

# Azadîa rastî çi ye?

Rast e "azadîa rastî" çi ye? Heker me zanî ba dê me jîana her u her hebit, belê ew dê azadîa rastî bit!

Belê mebesta rast ya Krimesî derbarê dîarîya ye. Jîana her u her dîarîyek e ji destê Xwidê têt. Bila em sehîkîne dîarîyêt Xwidê u em ji bîr ne kîn.

## Dîarî

**Dîarîya êkê – jîan.** Xwidê jîan daî me – Xwidê em çêkirin. U çawa lê hat? Li destpêkê Xwidê bi Peyvê xu axift (ferman da) u cîhan çêkir.

**Dîarîya dûê – pêxember.** Xwidê zelum wek Musa u Îbrahîm dan vî şulî: peyvê Xwidê bidin miruva da pîa Xwidê bikin u bijîn.

**Dîarîya sîê – 'Îsa.** Çunku Xwidê he ji me dicit, dîarîyekê gelek mezin daî me. Xwidê 'Îsa bu me hinart! Tijî sala ji berî Xwidê 'Îsa Pêxember hinarte cîhanê, deykîna wî hat pêxemberatî kirin.

'Îsa taybet e u me çi car wek pêxemberek dî ne dîtî ye. Ew dîarîe ji Xwidê **bu hemî cîhanê ye**, ne bi tinê bu êk milletê.

- (1) Deyka 'Îsaî kiça kiçîn bî.
- (2) Cihê deykîna 'Îsaî pêxemberatî bi rê ve bir u Xwidê li bajêrê Beytlehim (bajêrê Daûd Paşayî) da.
- (3) Tijî frîşteyêt Xwidê deykîna 'Îsaî ragehand: gut deyka wî u mêrê wê u hindek şivana.

(4) Stêra 'Îsaî hindek stêrnas ji rojhelatê înan mala wî da wan şîan 'îbadeta wî bikin. (Çîrokê li perê sîê li vê guvarê bixwîne.)

U buçî 'Îsa bî miruvek u hat li gel me? Da me azad bikî u da me dê runahîya rast hebit.

"Gîanê Xudanê rêzdar li ser min bit, çunku Xudanî ez çewir kirim, da mizgînîê bidime belingaza, ez hinartim da brînet dil şikestîya bigirêdim, da daxwaza berdana zîndanîa bikim u yêt jêrdest jî bi azadîê, da destura Xudanî ya wergirtî rabigehînim, u roja tol vekirne bu Xudayê me, da xema dilê wan ez hilgirim." (pêxemberatîa Eş'îyaî)

**Dîarîya çarê – jîana her u her.** Belê em u ew miruve Xwidê li destpêkê çêkirin pîa Xwidê ne kirî ne u ji ber hindê ji Xwidê dir kirî ne - bi gîanî mirin u dîmahîê bi leşî mirin. Belê Xwidê divêt miruv li gel wî bin (ye'nî sax) u ne vêt miruv jê dirkirin (ye'nî mirî). Xwidê divêt em li gel wî her u her bijîn.

'Îsa jîan e! 'Îsa hat da ewêt ku bawerî bi navê wî înaîn, maf da wan bibine biçîkê Xwidê. Bi rêka 'Îsaî Xwidê tarîya me dikite runahî.

Em ber çakîê Xwidê u bi bawerîê qurtal dibin u ne bi kirîarîet xu. Heker em qebîl bikî ew dîarîe ji Xwidê (yê 'Îsa) u bawerîê pê bînîn, belê dê bu me jîana her u her bit. U piştî leşê me dimirin, em dê her u her li gel Xwidê mînin.

U ewe azadîa rastî ye.

"Belê rêzdar bi Xwidê nîşanekê dite we: Eha ya **kiç avis dibit u dê kurrekê înit** u dê **navê wî kite 'Emanuîl**. ... **Dê bu me kurrek hebit** u dê kurrekî dite me, barê serukayetîê li ser milê xu ragirt. U navê wî dê <Seyr> bit, <Rawêjker> bit, <Xwidêyekî bi Şîan> bit, <Babekî Hetahetayî> bit, <Serukê Aştîê> ye, u nabite dîmahîkek bu gejbîna serukayetîya wî u aştîê jî." - pêxemberatîa Eş'îyaî

"Belê tu ey **Beytlehîma** Efirate. Her çende tu ya biçîk î dinav gundê Yehuda. Belê dê bu min êk ji nav te derkevit u dê bite paşayê Îsraîl u binîatê wî yê kevin e u ji berî hemî tiştî ye u **çi destpêk bu nîne**." - pêxemberatîa Mîxaî

"Eve ezê mizgînîya dilxuşieka mezin di dime we u dê bite dilxuşiya gelê we hemîê. Evru li bajêrê Daûdî **Qurtalkerek** bu we yê ji deyk bî ye, ew jî **Mesîhê** Xudan e. Eve jî nîşana wî ye: Biçîkekê dinav pata da pêçayî u di hafrî da nivîstî ye. ... Mezinatî li bilindîa bu Xudaî u aştî li ser 'erdî bu miruva u dilxuşiya Xwidê lê." - Ragehandina firîşteyêt Xwidê bu şivana